

四

洞
紀
後
書

迴瀾社影印醫書敘

吾師黃石屏先生逝世以後予奉先生遺命勉以鍼灸之學就正於海上諸君子者有年矣鍼灸而外各家醫學固未嘗不究心也頃與同道數人結一醫學迴瀾社以為講習討論之地意在於醫學之盛衰有所補益非特為敬業樂羣而已汪君紹達雖不以醫見業而研究醫學垂四十年同社中尤引以為重嘗見其所藏醫書則秘本孤本為外間所罕覲者往往而是因謂君曰醫學式微至今日而極何不於君所藏書中擇其精要有實用者次第刊布俾人人得而讀之或可藉以轉移風氣汪君曰善乃本此意選出若干種擬分數次付之影印以廣流傳他國人之著述苟能補我不逮者亦間及之其意以為活人之術

原無畦畛惟必先約後博使讀者易知易能由此以通貫醫經
經方則其治病也自能如鏡之取影鼓之應桴外人不生輕視
之心生民永無夭札之患又豈區區版本云乎哉己巳五月合
肥方慎齋

第一輯書目

葉天士家傳秘訣

慎疾芻言

李翁醫記

醫事啟源

葉天士家傳秘訣敘

葉天士先生本一祖傳之專門兒科醫家也自受學於王子接始能貫通各科先生一生醫名噪甚求診者戶限為穿國初諸老咸謂先生並無著述非不能實無暇也世傳先生著述多種皆後人所託名而以最通行之臨症指南溫症論治誤人最甚今之談醫者多奉二書為主臬轉污先生之盛名矣予早年得先生家傳秘訣寫本一冊隨筆記載並未加以修飾細讀之知係先生晚年追記平生所治兒科諸症並祖傳心得方法筆之於書傳於後嗣者也其論症與內經仲景往往吻合真不愧王氏嫡傳其證一也其治小兒蟲疳諸症別出手眼所述祖訓家傳方法皆他書所不經見其證二也其謂錢氏小兒方每有錯

誤必非仲陽親筆如此之類非先生不能知之其證三也末載
治其孫走馬疳症足見此書乃先生晚年所記其學問閱歷並
臻精到非他人草率著書可比先生負神醫之目及其老也僅
傳此一卷兒科書豈非以累世家學不容湮沒故留以嘉惠後
人予於二百年後幸得先生未刊遺書又何敢湮沒不傳使天
下知葉氏醫學之自有其真者固在此而不在彼耶己巳五月
江寧汪紹達

葉氏士家傳秘訣

常熟黃山居士珍藏

脹病

脹病有二。屬虛者多。實者少。東垣錢氏等從虛治。

謂寒濕也。作熱治者誤矣。當以脈證辨之。實脹者。或腹脹積。或結癖。

塊。先有物在胃腸中。而後脹形於外也。按之則堅。宜消導以去之。不

可攻之。攻則愈虛。不可治矣。宜胃苓丸主之。

虛脹者。或因吐瀉瘧痢之後。脾胃久傷而病。此虛氣在於膜育之外。

其外雖脹。其中無物。按之則濡。扣之有聲。不可外攻。之即死。宜用

溫補。錢氏加減異攻散作丸服之。

人參一錢 白朮一錢 甘草一錢 青皮五分 陳皮五分 枳實五分

一 炙 炒

厚朴

炒五分

半夏

炒五分

黃連

汁炒五分

木香

五分

丁香

五分

藿香葉

五分

右爲末神麴糊丸麻子大炒陳米湯下

如因於熱者必口乾飲水神識不清無時譫妄宜三黃丸河間涼膈散仍作胆導法

河間涼膈散

連翹

一錢

黃芩

二分

薄荷葉

三分

梔子仁

三分

甘草

五分

大黃

五分

朴硝

五分

右用水一鐘竹葉五片煎臨熟入蜜一匙去渣溫服

因於宿食者必惡食吞酸腹中時痛宜三黃枳朮丸方見後木香枳

榔丸主之

因於積者腹中陣痛丁香脾積丸主之

小兒腹脹與大人不同多因傷食得之宜胃苓丸合丹溪保和丸主之

如果傷食腹脹或痛吞酸惡食大便不利者宜木香承氣丸主之

木香承氣丸

枳實數分厚朴數分枳榔數分木香少許大黃數分
炒薑炒酒浸

右爲末酒糊丸麻子大白湯下

木香檳榔丸

治傷一切熱積兼治痢疾腹痛

木香

檳榔

青皮

去白

莪朮

煨

黃連

黃蘗

香附子

枳殼

麵炒以上各一兩

將軍

炒二

黑丑

二兩

如婦人則加當歸兩半

右爲末水杵爲丸麻子大薑湯下

加減塌氣丸

治腹脹

葶藶

砂仁

青皮

陳皮

丁香

全蝎

炒

萊服子

炒以上各數分

右爲末神麴糊丸麻子大厚朴湯送下

一女有食積脾虛病。出痘後。又傷食。腹脹。不喜食。予用胃苓丸方。加枳實炒。神麴。麥蘖。青皮。作丸服之。

一兒先病瘧。傷食成疳。又傷食甚瘦。腹脹大而堅。見人則哭。予立一方。用人參。白朮。白茯苓。甘草。半夏麴。枳實炒。厚朴。黃連。木香。莪朮。砂仁。使君子。神麴。麥芽。驚風散。夜明砂。當歸。川芎。等藥。

一兒瀉後腹脹。予用加減塌氣丸服之。愈。

一兒瘧久不退。腹大而堅。予用化癖丸服之。愈。

一兒五歲。腹大善食。予見之。謂其父母曰。乳多必損胃。食壅即傷脾。令即腹大如是。又不知節。縱其口腹。吾恐腸胃乃傷。不成腸癖。必成

疳也。後果成疳。肚大青筋。請予治之。以集聖丸調理而愈。
一兒善食腹大。予用保和丸。胃苓丸。二方相間。又以集聖丸調理而愈。

凡病初起。有食飽傷胃而脹者。法宜消導之。切不可攻下。日久有脾虛不能消食。飽即脹者。此宜補脾以助其傳化。亦切不可攻下。以誤殺小兒也。

腹中有癖。瘕後多有之。兒有癖者。常作寒熱似瘕。不可作瘕治也。癖去則寒熱自止。傳家消癖丸甚效。

消癖丸

人參

陳皮

三稜

莪朮

木香

黃連

枳實

夜明砂

使君子

乾蟬

半夏麴

麥芽

海昆布

右爲末酒糊丸麻子大米湯下

先翁治癖只用香蟬丸

木香

人參

黃耆

當歸

桔梗

莪朮

三稜

鱉甲

綠凡

枳實

使君子

練根皮

訶子

以上各二兩

乾蟬

七錢

黃連

一兩五分

右爲末丸如綠豆大水飲下

腹痛 有虫 有積

虫痛發作無時。隨痛隨止。發則面色眊白。口中涎沫。腹中作痛。疙瘩。脉洪大。目直視似癇。宜下之。用木香。檳榔。苦練根。白皮。煎湯送下。父常用雄黃解毒丸下之。小兒體弱則不可下也。用安虫丸以漸去之。

安虫丸

莪术 醋煨

木香

黃連

青皮

檳榔

使君子

白蕪荑仁

白雷丸

白者佳

苦練根皮

白佳赤毒

以上各數分

右爲末。醋麵丸。麻子大。白湯下。

家訓云。凡欲取虫。須於每月上弦前取之。虫頭向上。若望後頭向下。

苦

不可取也。

一兒善食。常若虫痛。用安神丸服之。三日後取下一虫。甚異。約長一尺。身赤色。大如鱸。令人手持其兩頭牽之。長二三尺。形如小綫。放下依舊短縮。虫母也。

一遺子常若腹痛。請翁治之。再三不效。復請予治之。予問翁曾用何藥。翁曰。雄黃解毒丸。予問翁再有別方否。翁曰。只此一方。用之屢不效。予告翁曰。此虫有靈。當設方法治之。擇除破日。在每月初旬取之。勿令兒知也。隔夜煎苦練根。次日五更。與其伯母議。用清油煎鷄子餅一个。先食之。後服藥。故不與食。兒聞其香味。急欲食之。腹中如有

物湧上心口。取藥與服之。少頃心口之物墜下。以蜜食之。不食也。已時腹中大鳴。而瀉下一虫。甚異。約小指長。有頭有手足。狀如嬰兒。予見之。驚曰。此癆虫也。泮西云。彼父母癆死。今此兒正三傳也。幸去之矣。令一婢用鐵鉗夾之河中。以火焚之。有煙撲入婢口中。其婢亦病癆死。此男無恙。至今誦之。翁曰。汝用何藥如此效。予曰。雄黃解毒丸。恐人知。故秘之也。

一兒有虫痛。黃瘦。腹中時痛。口饒。如有肉食。則痛不發。一日無肉。則痛發也。請翁治之。翁命予往。見其子甚弱。不敢下。乃思一計。只用苦練根皮放肉汁中煮食之。單服三日。下虫如蚪斗者一盆。色黃黑。後

以養脾丸調理而安。翁謂母曰：吾有子矣。往吾教他讀書。醫出於儒。母喜。

一兒七歲。善食肉。常病腹痛。其父問曰：積痛。虫痛。何如。予曰：積痛發有常處。手不可按。惡食而口乾。虫痛無常處。喜手按摩。口饒而吐清水。此兒乃虫痛也。以藥取下之。下虫十餘條。而痛止。未一月。又痛。予曰：不可再取矣。如不去其虫。則痛不除。積不除。則虫又生。苟再取之。恐傷胃氣也。乃立一方。用黃連。木香。檳榔。去積為主。陳皮。青皮。三棱。莪朮。枳實。山查。專去其積。使君子。白蘼蕪。川練子。苦練根皮。專去其虫。等分爲末。神麴糊丸。麻子大。米飲下。常服之。時下小虫如指大。約

長一尺。乃虫母也。自後痛漸減。

或問人腹中皆有虫。何兒之虫獨多也。予曰。小兒食傷成積。化爲虫。嘗觀草腐而化螢。木腐而生蠹。人脾虛而虫集。其理一也。或又問虫之狀不同者。何也。曰。各從其臟變化也。如心屬火。化爲羽虫。肝屬木。化爲毛虫。肺屬金。化爲介虫。腎屬水。化爲鱗虫。脾屬土。化爲倮虫。故虵虫倮虫出於脾。爲土化也。

積痛

小兒腹痛。屬食積者多。食積之痛。屬寒者多。蓋天地之化。熱則發散而流通。寒則翕聚而壅窒。飲食下咽之後。腸胃之陽。不能行其變化。